

大明會典

大明會典卷之八十八

禮部四十六

廟祀

薦謚號

永樂元年上

太祖高皇帝

高皇后謚號儀

前期三日齋戒遣官祭告

天地

宗廟

社稷鴻臚寺設冊寶輿及香案于

奉天殿。是日早。內侍先以冊寶置于案。太常寺先設冊寶案于

太廟門外丹陛上。

皇考

皇妣神御前各設冊寶案。鴻臚寺設冊寶輿于

奉天門外御道上。錦衣衛設鹵簿。教坊司設中和

韶樂大樂如常儀。文武百官具祭服詣

太廟門外立俟。執事官并宣冊寶官先從

太廟右門以序立于殿右。

上具袞冕御華蓋殿。捧冊寶官四員各具祭服于

奉天殿東西序立。鴻臚寺奏請行禮。導駕官導。

上出奉天殿。冊寶案前。捧冊寶官各捧冊寶前行。導。

駕官導。

上行至奉天殿丹陛上。捧冊寶官各以冊寶置綵輿內。鹵簿大樂前導。

上乘輿隨綵輿後行。至。

午門外。降輿。陞輅。至。

太廟門。文武百官皆跪。俟綵輿過輿。

上降輅。隨綵輿至。

太廟中門外。置綵輿於中道。捧冊寶官各於綵輿內。

取冊寶前行。

隨行至丹陛上。捧冊寶置於案。典儀唱樂舞生就

位。執事官各司其事。內贊奏就位。導引官導

上就拜位。典儀奏迎神。奏樂。樂止。內贊奏

上四拜。百官同典儀奏進冊寶。捧冊寶官以次捧冊寶

前行。導引官導

上行由左門入。至

廟中。捧冊寶官序立于執事官及宣冊寶官之前。導

引官導

上詣

皇考妣神御前奏跪。奏措圭。奏進冊。捧冊官以冊跪進于

上左。

上受冊。以冊授執事官。置于案左。奏出圭。贊宣冊。宣冊官跪宣于

上左。訖。奏措圭。奏進寶。捧寶官以寶跪進于上左。

上受寶。以寶授執事官。置于案右。奏出圭。贊宣寶。宣寶官跪宣于

上右。訖。

上復位。奏四拜。又武百官皆四拜興行祭禮如常儀。次日頒

詔

嘉靖十七年上

成祖文皇帝

睿宗獻皇帝廟號儀

是歲

上肇舉

明堂大享禮奉

皇考配

帝。乃告于

郊

廟

社稷。以九月十一日專

太宗廟號為

成祖。謚曰啓天弘道高明肇運聖武神功純仁至孝

文皇帝。尊

皇考廟號為

睿宗。謚曰知天守道洪德淵仁寬穆純聖恭儉敬文
獻皇帝。同日異時行禮

先期四日。太常寺奏致齋。太常卿同光祿卿奏

省牲如常儀。次日司設監設大次于南郊外壝神路之東。又次日。

上常服御奉天門。錦衣衛備隨朝駕。

上至

南郊。即大次易服詣

園丘奏告。文武官例該陪祀者具祭服於南天門外陪拜。其原遣

北郊

太廟

成祖廟

昭羣廟

穆羣廟

齊宗廟

社稷壇祭告官皆以是日具祭服行禮

先期一日內侍官設冊寶案四于

奉天殿冊東寶西設冊寶絲輿四于丹墀內設香
亭于冊寶輿前教坊司設中和韶樂及大樂錦
衣衛設鹵簿大駕并舉輿亭官校司設監及太
常寺官設冊寶案于

成祖廟

睿宗廟各神座前設

上拜位于

二廟殿內正中設具服

御幄于

二廟戟門左。是日早免朝。鳴鐘文武百官具朝服于
金水橋南東向西向序立。文官五品以上。武官四
品以上。六科都給事中。

皇親指揮以下千百戶等官各具祭服于

廟街門內北向序立。

上冕服御華蓋殿。鴻臚寺官奏請行禮。導駕官導

上出至奉天殿內侍官捧各冊寶置于案鴻臚寺官
舉案由殿中門出導駕官導

上隨行至丹陛下鴻臚寺堂上官捧冊寶各置于輿
內。

上出奉天門降輜陞輅侍衛鼓吹如儀導駕官退冊
寶輿至金水橋南文武百官皆跪候過輿隨至
廟街門退冊寶輿入

廟街門陪祀官皆跪候過輿

上至

太廟門降輅冊寶輿至

二廟門外。太常寺堂上官四員捧冊寶由中門入。至神御前。東西向立。冊東寶西。陪祀官先赴。

成祖廟丹墀內東西序立。太常寺導引官導上至。

成祖廟左門。由殿左門入寢殿左門請。

主出正殿奉安。安訖。典儀唱樂舞生就位。執事官各司其事。內贊奏就位。

上就位迎。

主上香。奏四拜。俟。

上至冊寶案前。內贊奏進冊寶。捧冊官以冊跪進于

上右。

上受冊獻訖。仍授捧冊官置于案。捧寶官以寶跪進。

于

上左。

上受寶獻訖。仍授捧寶官置于案。內贊奏宣冊。太常寺官取冊跪于

上右。宣訖置于案。內贊奏宣寶。太常寺官取寶跪于上左。宣訖置于案。俯伏興復位。奠帛。行初獻禮。以後俱如常儀。禮畢。

上捧

主。太常寺官捧冊寶先行詣寢殿奉安訖導引官導
上出

太廟門東乘板轎詣

睿宗廟。

上至廟門外降轎至戟門外。太常寺導引官導
上由左門入。上冊寶如

成廟儀。畢。太常卿跪奏請

睿宗獻皇帝謁

祖祔享。遣官捧

神主降座陞輿祔享于

太廟 儀具升神下

祝文

維嘉靖 年歲次 月 朔 日

孝玄孫嗣皇帝御名敢昭告于

成祖啓天弘道高明肇運聖武神功純仁至孝文皇帝

仁孝慈懿誠明莊獻配天齊聖文皇后。曰。適玄孫躬
率羣臣。加上

聖號。既畢。宣奏之禮。用申燕賀之情。惟我
皇祖。永歆孝念。尚

享

樂章

迎神

泰和之曲

天眷不遲。誕降我

皇祖。夙秉文德。聿昭

聖武。攘除姦兇。戢寧寰宇。維典章未備。緊孝孫是補。
大號鴻名。卓絕千古。寶冊攸濟。精禋斯舉。將降休兮。
聖靈騰爐。煙芳燎灼。尚來格來。歆以篤天之祐。

舉冊寶

熙和之曲

於穆

文祖貽我不基。昊天罔極。永言孝思。爰薦
敬稱。以協民彝。勒賁琬琰。昭哉厥辭。以詔于萬世。
神其聽之。

初獻

壽和之曲

制帛孔純。滌牲膾肥。黍稷醴羞。蠲潔芬醑。穆穆
孝孫。敬德淵微。獻享初陳。仰

威頽其靡違。

亞獻

壽和之曲

干戚武成。於昭神功。文致太平。沕穆皇風。樂舞
既遷。禮儀肅雍。奠獻載將。致其孚顒。願申佑我。

孝孫萬福攸同

終獻

康和之曲

三爵既登。禮秩斯成。駿奔就列。虎拜盈庭。匪臣
工之虔。孝孫之德。孔明錫

皇釐於普天。奠邦家兮永寧

徹饌

永和之曲

古禮之經。有儀有節。將享既終。登歌以徹。祀事
利成。神人胥悅。維孝孫之衷情。猶纏綿其糾結

送神

安和之曲

高皇謨烈我

祖是成誕垂裕於後昆。孝孫是徵稽古酌今。恭薦蕙
尊稱奕奕闕宮。歲事有恒。子子孫孫。百世其承之。
睿廟樂章

迎神 泰和之曲

於皇

烈考潛發慶源。欽明宣哲。敦德允元。克昌厥祚。以釐
我子孫。筮薦

徽稱。惟大德是尊。惟

烈考鑒茲臨享。如存

舉開寶

熙和之曲

月吉兮辰良薦

鴻號兮受命溥將。日星赫奕兮玉冊輝煌。啓中興兮
七葉。頌貞符兮萬方。

初獻

壽和之曲

載清酌兮犧尊。瑟笙喤喤兮鐘鼓於論。樂一奏
兮爵一獻。

靈來享兮鑒茲熏熏

亞獻

豫和之曲

瑤觴濯兮玄酒登。懷明德兮薦椒馨。繁

昭考兮陟降在庭。顧孝享兮。

靈心載寧

終獻

康和之曲

三獻畢陳八音舉百辟相于祀事必愛敬極兮
揚名始冀

皇考兮綏孝子

徹饌

永和之曲

笙鏞止豆籩徹禮莫愆孝靡竭

神具醉兮以莫不懌賚我思成兮純嘏是錫

降座

安和之曲

神之來思天路脩

神之去思路寢幽幽。既安既妥兮靡淹留。奠宗枋兮
永錫洪庥。

改題

成祖

睿宗神主儀

先期司設監設香案于

成祖

睿宗二廟寢殿神龕前。設題主案于東。置淨水刷子
粉盞筆墨于上。又設盥盆悅巾于東。是日早免
朝。鳴鐘文官三品以上。武官公侯駙馬伯。

皇親指揮各具吉服于

廟街門北向序立候

駕至陪拜。

上具翼善冠黃袍乘板輿至

太廟門右降輿導引官導入

成祖廟左門由殿左門入寢殿。

上就位上香一拜叩頭畢至

神牀前跪太常卿跪奏請

成祖文皇帝神主恭用奉題。

上詣

神主前捧

主安于東案上。

上復就拜位。北向立。內侍官洗去舊字。別塗以粉中。

書官書寫。題主官盥手。西向奉題訖。

上捧安于座。跪。太常寺卿跪奏請

成祖文皇帝神靈上神主降殿奉享。

上捧

神主。導引官導出正殿。奉安于神座。

上就拜位。典儀唱迎神。導引官導

上至香案前。三上香。訖。奏復位。內贊奏四拜。傳贊典

儀唱奠帛行初獻禮。

上至

神御前奠獻訖詣讀祝位讀祝官讀訖奏俯伏興平

身。

傳贊同

奏復位典儀唱行亞獻禮。儀同初獻唱

行終獻禮。

儀同亞獻

太常寺卿詣

神御前跪奏禮畢請

還宮內贊奏四拜興平身。

傳贊同

典儀唱捧祝捧帛

各詣燎位內贊奏禮畢。

上捧

主詣寢殿奉安訖導引官導出

太廟門東乘板轎至

睿宗廟門降轎導引官導

上由廟左門入行禮如

成廟儀禮畢。

上還宮

祝文

維嘉靖 年歲次 月 朔 日

孝玄孫嗣皇帝御名敢昭告于

成祖啓天弘道高明肇運聖武神功純仁至孝文皇
帝。

仁孝慈懿誠明莊獻配天齊聖文皇后。曰。爰用是辰
恭題

神主更書

御號奉慰安

神仰惟我

祖萬禩永依。玄孫無任瞻事之至。謹告

睿宗祝文同。或孝玄孫為孝子。我祖為我考。

嘉靖十七年加上

太祖高皇帝

高皇后謚號儀

是歲

上既尊

皇天上帝泰號遂以其日加上

皇祖謚號曰太祖開天行道肇紀立極大聖至神仁
文義武俊德成功高皇帝。

高皇后謚號曰孝慈貞化哲順仁徽成天育聖至德
高皇后。恭上冊寶于

太廟先期

上親奏告于

皇天上帝。分

命大臣告于

北郊

太社稷

帝社稷翰林院撰祭告文。太常寺辦牲醴。如時禘儀。命捧冊捧

列聖主大臣八員。司設監設冊寶案四于

奉天殿。冊東寶西。設冊寶綵輿四于丹陛上。設香亭于冊寶輿前。教坊司設中和樂大樂。錦衣衛設鹵簿大駕。并舉輿亭官校。司設監及太常寺官設冊寶案于

太廟神座前設

上拜位于殿內正中。至日。

上捧

皇祖主。

中宮捧

高皇后主。助行亞獻。文官四品以上。武官三品以上。命婦隨班列東西。近兩廡稍北。障以帷幕。俱先

期由

東安門入

太廟候。

親王功臣設位兩廡。月酒果脯醢。不奠獻。是日文武百官先具朝服於金水橋南東西向立。其陪祀文武等官各具祭服於

廟街門北向立。

上冕服御華蓋殿。鴻臚卿奏請行禮。導駕官導

上出至奉天殿。內侍官捧各冊寶置於案。鴻臚寺官舉案。由殿中門出。導駕官導

上隨行至丹陛。鴻臚寺官捧冊寶各置於輿內。錦衣衛官督舉輿。

上乘板輅出奉天門。降輅陸輅。侍衛鼓吹如儀。導駕

官退。冊寶輿至金水橋南。文武百官皆跪候過輿。隨至。

廟街門退。冊寶輿入。

廟街門內。陪祀官皆跪候過輿。

上至。

太廟門降輅。冊寶輿至丹陛下。太常寺堂上官二員捧

皇祖冊寶內侍官二員捧

高皇后冊寶由中門入。至

神御前。東西向立。太常寺導引官導

上由殿左門至寢殿。

上捧

皇祖主。

中宮捧

高皇后主。出正殿陞座。捧主宮捧。

列聖主。去櫃東西向立。典儀唱樂舞生就位。執事官各司其事。內贊奏就位。典儀唱迎神樂作。內贊

對引官導

上至香案前三上香。訖復位四拜。傳贊百官同典儀唱舉

冊寶樂作。奏跪。傳贊同樂暫止。捧冊官以

皇祖冊跪進于

上右。

上受冊獻訖。仍授捧冊官。捧冊官以

高皇后冊跪進于

上左。

上受冊獻訖。仍授捧冊官。捧寶官以

皇祖寶跪進于

上右。

上受寶獻訖。仍授捧寶官。捧寶官以

高皇后寶跪進于

上左。

上受寶獻訖仍授捧寶官。典儀唱宣冊。宣冊官二員。以次跪宣訖置於案。唱宣寶。宣寶官以次跪宣訖樂復作。內贊奏俯伏與平身。傳贊同捧主官各恭捧。

列聖主陞座。典儀唱奠帛行初獻禮。樂作。內贊對引官導。

上至。

神御前。奏獻帛獻爵訖。奏復位。捧主官詣

各廟上香獻帛爵訖。奏跪。傳贊同贊讀祝。讀祝官讀訖。

樂作。奏俯伏興平身。傳贊同樂止。典儀唱行亞獻禮。樂作。女官奏禮。

中宮獻

太廟爵。皇妃八氏獻

八廟爵。儀同初獻。惟不讀祝。樂止。典儀唱行終獻禮。樂作。儀同亞獻。

樂止。太常卿唱賜福胙。

上飲福受胙。訖俯伏興復位。奏四拜。傳贊同典儀唱徹

饌。太常卿詣

神位前奏禮畢請

還宮。內贊奏四拜。傳贊同捧祝捧帛各詣燎位。樂作。

樂止。俱如常禮畢。

上捧

皇祖主。

中宮捧

高皇后主。太常并內侍官捧冊寶詣寢殿奉安。捧主

官捧

列聖主各詣寢殿奉安。訖。

上還宮。大樂鼓吹振作

祝文

維嘉靖

年歲次

月

朔

日

孝玄孫嗣皇帝御名敢昭告于

皇祖太祖開天行道肇紀立極大聖至神仁文義武
俊德成功高皇帝。

孝慈貞化哲順仁徽成天育聖至德高皇后。曰。適尊
聖謚。宣獻既成。奉

列聖帝后来賀。玄孫躬率婦皇后方氏暨文武羣臣
偕其命婦敬申祭慶之情。惟冀

聖神之鑒。永享

尊稱。大膺

洪號。玄孫御名無任激切率籲之至。尚

享

樂章

迎神泰和之曲

繫中夏之遘艱兮。汗羶羣。

皇天厭亂兮。眷求大君。降錫元命兮。挺生
聖神。惟我

太祖兮。首出人倫。一戎衣奄四海兮。為帝王真。

舉冊寶

鴻和之曲

皇祖受命兮。闢乾坤。驅逐異物兮。復中原。陳常時夏
兮。佑元元。克配彼天兮。功高業尊。寅薦冊寶兮。

鑒我曾孫

初獻

崇和之曲

苾彼玉瓚。兮酌黃流。敬而將之。兮冕凝旒。有赫
在上。兮右享羊牛。保我子孫。兮永荷鴻庥。

亞獻

豫和之曲

於

皇祖兮帝中華。廓清氛祲兮一統為家。除兇雪耻兮
功茂以加。視湯武兮德音不瑕。

終獻

永和之曲

爵三獻兮旨酒熏。樂和鳴兮萬舞肅陳。率百辟

兮借駿奔。衍我

祖兮神忻忻。

徹饌

彰和之曲

孝享畢兮禮弗愆。羸牲俎兮徹豆。邇於昭對。越
兮

神在天。益篤皇祐兮萬斯年。

還宮

綏和之曲

薦

鴻號兮大禮成。仰瞻威赫兮陟降在庭。

列聖左右兮懽忻合併。鐘鼓響答兮祀事孔明。粵有

大德兮必得其名。天地罔極兮欲報奚能。庶幾
鑒享兮寸草微誠。永賴祉福兮用保我後人。

改題

高廟神主儀

先期

命題主大臣二員。翰林院撰文。太常寺備脯醢酒果。
如常儀。司設監設題主案于

太廟寢殿東。西置淨水刷子粉盞筆硯。設盥盆。帨巾。
中設香案。是日早免朝。鳴鐘。又官三品以上武
官公侯駙馬伯。

皇親指揮各具吉服于

廟街門北向序立候

駕至陪拜。

上具翼善冠黃袍乘板輿至

太廟門西降輿太常寺導引。巨導

上由殿左門入寢殿。

上就位上香一拜叩頭畢至

神牀前跪太常卿跪奏謹請

皇祖太祖高皇帝。

孝慈高皇后神主恭用奉題。

上詣

皇祖神主前捧

主安于東案上。內侍官詣

高皇后神主前捧

主安于西案上。

上復就拜位北向立。內侍官各洗去舊字。別塗以粉

中書官重寫題主官東西向立奉題訖。

上捧

皇祖主安于座。內侍官捧

高皇后主安于座。

王跪太常卿跪奏謹請

皇祖太祖開天行道肇紀立極大聖至神仁文義武
俊德成功高皇帝神靈上神主降殿奉享。又跪奏謹
請

孝慈貞化哲順仁徽成天育聖至德高皇后神靈上
神主降殿奉享。

上捧

皇祖主內侍官捧

高皇后主導引官導出正殿陞神座。

上就拜位。唱迎神內贊對引官導

上至香案前三上香訖。奏復位。奏四拜。傳贊典儀唱奠帛。行初獻禮。導引官導。

上至

皇祖神御前。

高皇后神御前各奏獻帛獻爵訖。奏復位。奏跪。傳贊

贊讀祝讀訖。奏俯伏興平身。傳贊典儀唱行亞

獻終獻禮如儀。太常卿詣

神御前跪奏禮畢請

還宮。內贊奏四拜興平身。傳贊典儀唱捧祝捧帛

各詣燎位。內贊奏禮畢。

上捧

皇祖喜內侍官捧

高皇后主詣寢殿奉安訖導引官導

上出

太廟門西陞輿還宮

祝文

維嘉靖

年歲次

月朔

日

孝玄孫嗣皇帝御名敢昭告于

太祖開天行道肇紀立極大聖至神仁文義武俊德
成功高皇帝。

孝慈貞化哲順仁徽成天育聖至德高皇后。曰玄孫
恭于此月之初尊

皇祖聖謚禮成。即擬拜書

神主。玄孫幼而弗慎。致疾浹旬。茲卜吉期。敢敬奉
主更題。既虔爰申祭告。仰惟

聖慈。攸歆尊事之誠。永依萬世。尚

享

隆慶元年加謚

孝懿皇后儀

一先期題請遣官持節捧冊寶詣

陵園行禮并改題

神主

一先一日鴻臚寺設節案內侍官設冊寶輿香亭俱于

皇極門東

一是日早遣官以加謚

孝懿皇后告

奉先殿

上具素翼善冠麻布袍腰經親告

世宗皇帝几筵各用祝文祭品如常儀至期

上仍具前冠服御皇極門百官俱照常烏紗帽素服
黑角帶入班行叩頭禮畢左右侍班序班引遣
官入就拜位序班舉節案于

皇極門正中遣官行五拜三叩頭禮畢序班舉節
案內侍官舉冊寶與香亭俱由左階降鴻臚寺
奏禮畢。

上還宮錦衣衛官交接擡節冊寶與香亭由

午門左門出鼓樂前導設而不作遣官隨行至
陵園行禮

一是日太常寺先于

陵園陳設祭品如常儀。鴻臚寺設節冊寶案于
享殿內。節中冊左寶右。設香案于節案前。內侍官設
主案于殿東。置淨水刷子粉盞筆硯盥盆。帨巾
等物。候節冊寶輿至。

陵園由中門入。至

享殿前。捧節冊寶官捧由殿中門入。各陳設于案內。
贊贊遣官就位。贊上香。贊宣冊。宣冊官取冊立
宣訖。復置于案。贊宣寶。宣寶官取寶立宣訖。復
置于案。執事官隨舉主案于香案前。稍東西向。
題主官進至主案前。東西向。內侍官至。

神牀跪奏謹請

孝懿皇后神主恭用奉題內侍官盥手捧

主安于案上洗磨舊字別塗以粉中書官重寫題主

官盥手奉題訖內侍官奉

主安于神座跪奏謹請

孝懿皇后神靈上神主內贊贊遣官奠獻讀祝行禮

如常儀禮畢內侍官啓匱覆

主奉安于神座訖用寶收貯

享殿次日遣官持節復

命

大明會典卷之八十八

大明會典卷之八十九

禮部四十七

廟祀四

奉先殿

宗先殿

洪武三年冬。以

太廟時享未足以展孝思。始於

乾清宮別建

奉先殿。朝夕焚香朔望瞻拜。時節獻新。生忌致祭。月
常饌。行家人禮。永樂定都。建宮殿如南京。嘉靖

中。每遇

聖節及中元冬至歲暮皆有祭告。先期太常寺題知。

光祿寺辨祭品。至期內殿行薦。三年。即殿西建

觀德殿。奉安

獻皇帝神主。五年。

世廟成。乃遷

觀德殿于

奉先殿東。改題曰

崇先殿。薦享告祭俱如

奉先殿之儀。十五年。憲中元祭。十七年。奉拊

獻皇帝于

奉先殿。遂罷

崇先殿祭

弘治二年奉安

憲宗純皇帝神位于奉先殿儀

是日

上奉

神主奉安于

太廟訖。

上仍祭服陞輅詣武英殿前降輅陞

几筵殿奉迎

神位內侍舉

神位亭前行由中門出。

上陞輅後隨由

思善門入

奉先殿門外。

上降輅司禮監官導

上詣

神位亭前奏跪。

上跪司禮監官跪於

上左奏請

神位奉安奉先殿奏訖奏俯伏興。

上俯伏興導引官前導內侍於亭內

神位前行。

上後從由中門入至

奉先殿奉安訖。

上叩頭興就位。行祭告禮。用酒果片樂用祝文

忌辰

仁祖淳皇帝

四月十六日

淳 皇 后

四月二十二日

太祖高皇帝

五月初十日

孝慈高皇后

八月初十日

卷之十九

三

成祖文皇帝

七月十八日

仁孝文皇后

七月初四日

仁宗昭皇帝

五月十二日

誠孝昭皇后

十月十八日

宣宗章皇帝

正月初三日

孝恭章皇后

九月初四日

英宗睿皇帝

正月十七日

孝莊睿皇后

六月二十六日

憲宗純皇帝

八月二十二日

孝貞純皇后

二月初十日

孝宗敬皇帝

五月初七日

孝康敬皇后

八月初八日

睿宗獻皇帝

六月十七日

慈孝獻皇后

十二月初一日

武宗毅皇帝

三月十四日

孝靜毅皇后

正月二十五日

世宗肅皇帝

十二月十四日

孝潔肅皇后

十月初二日

穆宗莊皇帝

五月二十六日

孝懿莊皇后

四月十三日

薦新品物

正月

韭菜四斤

生菜四斤

薺菜四斤

雞子二百六十箇

鴨子二百四十箇

二月

芹菜三斤

薑菜五斤

冰

薑蒿五斤

子鷺二十二隻

三月

茶

筍一十五斤

鯉魚二十五斤

四月

櫻桃十斤

杏子二十斤

青梅二十斤

王瓜五十箇

雉雞十五隻

豬二口

五月

桃子十五斤

李子二十斤

夏至李子二十斤

紅豆一斗

沙糖一斤八兩

來禽十五斤

茄子一百五十箇

大麥仁三斗

小麥麩三十斤

嫩雞三十五隻

六月

蓮蓬二百五十箇

甜瓜三十箇

西瓜三十箇

冬瓜三十箇

七月

棗子二十斤

葡萄二十斤

梨二十斤

鮮菱十五斤

芡實十斤

雪梨二十斤

八月

藕四十枝

芋苗二十斤

茭白二十斤

嫩薑二十五斤

粳米三斗

粟米三斗

稷米三斗

鰕魚十五斤

九月

橙子二十斤

栗子二十斤

小紅豆三斗

沙糖一斤八兩

鰻魚十五斤

十月

柑子二十五斤

橘子二十五斤

山藥二十斤

兔十五隻

蜜一斤八兩

十一月

甘蔗一百三十根

鹿一隻

鴈十五隻

蕎麥麩三十斤

紅豆一斗

沙糖一斤八兩

十二月

菠菜十斤

芥菜五斤

鯽魚十五斤

白魚十五斤

凡

奉先殿供薦品物與南京

奉先殿同。其子鵞鮮筍梅子雪梨茭白橙子柑子橘
子甘蔗俱南京太常寺預進。太常寺收受奏送
光祿寺供薦歲以為常

奉慈殿

今罷

成化二十三年。

孝宗即位追上

母妃紀氏尊諡曰孝穆慈慧恭恪莊僖崇天承聖皇
太后。祔葬

茂陵別建

奉慈殿於大內奉安

神主。一歲五享。四序薦新。忌祭俱如

奉先殿之儀。弘治十七年上

聖慈仁壽太皇太后周氏尊謚曰孝肅貞順康懿光烈輔天成聖太皇太后。十八年奉安于

奉慈殿居中。

孝穆皇太后神主遷居于左。嘉靖二年追上

壽安皇太后邵氏尊謚曰孝惠康肅溫仁懿順協天

祐聖皇太后。本年奉安于

奉慈殿居右。七年復追稱

孝惠皇太后曰太皇太后。八年。祔。

悼靈皇后陳氏神主于

孝惠太皇太后之側。歲時薦享。忌祭並同。十五年。

上諭禮官廟中一帝一后。祔葬乃有二三后。今

奉慈三后。主既不得祔。

廟。其遷祔。

陵殿享祭。又以皇太后太皇太后本子孫尊稱。稱

睿皇后。

純皇后。又嫌於嫡。改主題。皇后勿書帝謚。乃改謚。

孝肅太皇太后為孝肅貞順康懿光烈輔天成聖皇

后奉遷神主于

裕陵。

孝穆皇太后為孝穆慈慧恭恪莊僖崇天承聖皇后。
孝惠太皇太后為孝惠康肅溫仁懿順協天祐聖皇
后。俱奉遷

茂陵。又改謚

悼靈皇后為孝潔皇后。奉遷

神主于

奉先殿之西室。罷

奉慈殿祭。二十九年。升祔。

孝烈皇后于

太廟右第四室。隆慶元年。

孝潔皇后祔。乃遷

孝烈神主于

奉先殿之西夾室。改題曰

孝烈端順敏惠恭誠祗天衛聖皇后。奉安

景雲殿。更名曰弘孝。又于

神霄殿奉

孝恪皇太后神主。而祔

孝懿皇后主于其側。每歲五享。四序薦新。忌祭日供

俱如

奉先殿儀六年。

孝懿莊皇后升祔。萬曆三年乃奉

孝烈皇后及

孝恪皇太后祔享

奉先殿。其

神主並遷于

永陵。改題

孝恪神主曰孝恪。純慈懿恭順贊天開聖皇后。

二后神位。即以遷詣

陵殿之目安于

奉先殿而弘孝神霄之祭俱罷

隆慶元年奉安

孝恪皇太后神主及祔

孝懿皇后神主于神霄殿儀

先是遣官一員以祔享告

孝懿皇后陵園祭畢遣官就迎護

神主回京至德勝門幄次候奉迎

孝恪皇太后神主至別入幄次百官先於

孝恪皇太后幄前行禮畢隨于

孝懿皇后幄前行四拜禮。

神主以次進行。入大明門至午門外。

上奉迎

孝恪皇太后神主于午門內步行前導。

孝懿皇后神主與以次後隨。至

奉先殿門外。

上捧

孝恪皇太后神主出輿。內侍官即跪奏請

孝懿皇后神主詣奉先殿捧

神主隨

上入至丹陛上。

孝恪皇太后神主至於褥位。內侍官隨置。

孝懿皇后神主於褥位。在

孝恪皇太后之西南。內侍官退候。

上行禮畢。內侍官仍捧

孝懿皇后神主隨出。詣

世宗肅皇帝几筵殿奉告。行禮並同。遂隨

孝恪皇太后神主。同至

神霄殿門外。

上捧

孝恪皇太后神主由殿中門入。奉安于神座。內侍官捧

孝懿皇后神主亦奉安于座。併行安神禮。

萬曆三年

弘孝神霄二殿奉遷神主儀

先四日早。內監官請捧

孝恪皇太后神主洗滌。重加粉飾。中書官書寫。

命大臣一員改題。題畢仍暫奉安于神座。先期。內侍

官設

神主輿。冊寶亭。衣冠亭。香案。各于

弘孝神霄殿門外。錦衣衛備繖扇儀衛。是日早先朝
行請奉遷禮。

上常服詣

弘孝殿門外。太常寺官導

上由殿左門入。內贊奏就位。奏上香。奏三獻禮。贊讀
祝訖。奏四拜。奏禮畢。女官導

仁聖皇太后

慈聖皇太后以下行禮畢。復詣

神霄殿行禮如前。司禮監官分請捧

孝烈皇后神主。

孝恪皇后神主各置于輿。捧冊寶衣冠各置于亭。香亭。

神主與前行。冊寶衣冠亭各以次後隨。

上陞轎隨行。由後左門中左門皇極門至午門內。

上降轎橋北立。自送。

二后神主與行。門闔。

上陞轎還宮。

景神殿

皇極門

嘉靖五年建

世廟于

太廟之東北以祀

皇考。至十五年改建廟于

太廟都宮之東南。題曰

獻皇帝廟。遂改

世廟正殿曰

景神殿。寢殿曰

永孝殿。奉藏

祖宗帝后御容于其中。十七年改題

獻皇帝廟曰

睿宗廟。尋以

睿宗升祔罷特廟之祭。十八年。今遇

高廟帝后忌辰祭于

景神殿。

列聖帝后忌辰祭于

永孝殿。二十四年。今遇忌辰照舊於

奉先殿致祭。四十四年。神宮監奏

睿宗廟柱產芝。乃更名玉芝宮。

命每日供膳。及四時歲暮大小節辰祭。告牲帛諸品

皆如

太廟。惟不用祝文樂歌。及遣官陪祀。止今駙馬都尉

及皇親一人上香行叩頭禮。隆慶元年議罷。惟日供膳仍舊。

嘉靖十八年

顯陵襄事行慰神禮于永孝殿儀

前期太常寺恭辦牲醴香燭制帛。奏請

簡命大臣陪拜。各具言服。先期一日。司禮監同太常寺官恭設

皇考

皇妣神座于永孝殿。是日

上具翼善冠黃袍率

后妃至

景神殿門外降輿導引官導

上由左門入至

永孝殿典儀唱執事官各司其事唱迎神。

上至香案前上香復位四拜得贊陪祀官同典儀唱奠帛行

初獻禮。

上詣

皇考

皇妣位前各獻帛獻爵訖復位讀祝俯伏興平身傳贊

同行亞獻禮。

中官獻爵。內執事官奏禮。行終獻禮。

上獻爵。內贊奏四拜。

傳贊同

典儀唱捧祝。捧帛詣燎位。

禮畢。太常寺官恭還。

皇考

皇妣御座于景神殿奉安。

駕還宮

慶源殿

嘉靖元年

命安陸州官以四孟及朔望致祭于家廟。四孟邊豆
牲牢俱如

太廟之儀朔望常祭如

奉先殿之儀二年。令家廟樂用八佾。三年。令工部造祭器樂器祭服送家廟供祀。七年。令兵仗等局造送樂器。八年。令錦衣衛選撥校尉三十名選用。十八年。恭奉。

獻皇后合葬

顯陵。改家廟曰

隆慶殿。四孟歲暮。

欽定五享。

命鎮守湖廣勲臣行禮。勲臣有故。則以皇親都督代。

隆慶元年改稱曰

慶源殿。禮儀仍舊。

欽定五享儀

前期致齋三日。正祭日。各具祭服。導引遣官由右門入。遣官同內臣請

帝后主奉安于神座。退。典儀唱執事。官各司其事。贊引贊就位。典儀唱迎神。贊引導遣官至香案前。三上香訖。復位。贊四拜。典儀唱奠帛。行初獻禮。訖。贊詣讀祝位。讀祝訖。行亞獻。終獻禮。典儀唱徹饌。掌祭官跪奏。禮畢。請

還宮。贊引贊四拜。典儀三讀祝。官捧祝。進帛。官捧帛。各詣燎位。禮畢。遣官同內臣捧

帝后主奉安訖退

凡

太廟祭器。洪武元年。令銀造者以金塗之。酒壺玉盃盞。每事皆八。盤碗二百四十。及揮旒枕篔簹筥。惟幔浴室皆具。已又令塗金者俱易以金。

以下廟祀總例

凡時物。洪武二年。令太常先薦

宗廟。然後進

御。二年定。每月朔望薦新品物。皆太常卿供事。其

在月薦之外者太常卿奉

上與內使監官各服常服捧獻不行禮

凡祭幣。洪武三年議准。

太廟每室用幣二

凡

太廟和羹嘉靖三年奏准依福胙脯醢豚胎例另用
一牛不許牲上取辨其牲體分為六塊。一首一
背四肢不許零碎

凡配享。洪武二年孟春享

太廟。以功臣七人配。設青布幃六間于

太廟庭中內列功臣位。遣官分獻讀祝。○三年定。

親王從享皆設位於東廡西向。功臣配享皆設位於西廡東向。○四年罷。

廟庭幃設之次。改設黃布幃殿於廟內。併具兩廡中居。

祖考神位。廡列。

親王及功臣每奠獻。

祖考則遣大臣各分獻。不讀祝。是秋又。

命功臣仍于廡間配享。不設布殿。○九年新。

太廟成奉安。

四代神主。以

親王并王妃二十一位。侑于殿內東壁。功臣十二位。配于西壁。不分獻。自是四時之祭。皆行合享之禮。其

壽春等王。舊有皇高伯祖等稱。至萬曆七年。罷止。稱本爵。

凡時享。值

國喪。洪武二十五年。議定樂備而不作。

凡祝文。洪武二年定。止稱孝子皇帝。不稱臣。遣太子行禮。稱命長子某。不稱皇太子。○嘉靖十七

年令大祫祝文。

九廟帝后謚號俱全書。時祫止書。

某祖某宗某皇帝。備行宣讀。

凡忌辰。永樂元年遇。

高皇帝忌。

上率諸王祭。

奉先殿。仍率百官祭。

孝陵。○萬曆四年題准。凡

郊

廟奏祭祀日。遇有忌辰。則移前一日。如致齋日內遇。

忌辰。

上具常服。百官具青綠錦繡。其正祭日遇忌者。如祭
在日間。除臨時照常具祭服行禮。本日祭前祭
後與致齋遇忌同。如夜分祭畢。是日

上仍踐淡服色。百官青衣角帶辦事。

大明會典卷之八十九